

蘆山縣志卷五

學校略

學宮 學院 學額 學田
學規 義學 小學

古者建國君民教學爲先四代之學考諸經可見已自秦燔詩書以愚黔首仁義道喪人心風俗幾不堪言漢景時文翁守蜀招下縣吏民爲學官弟子武帝因令天下郡縣皆立學校所以光崇聖烈宏長儒風也南北隋唐而下安定紫陽聚徒講學尤爲極盛至明清踵事增華學制愈隆愈備且興學田定學額立學規學官山長並行不悖而義學廣設無非以化民成俗其必由學興賢育才期爲國家用故尊師重道比隆於虞夏商周漢代之盛焉蘆雖偏隅而學校歷來皆備迨停科舉而初小學高小學亦奉功令競起焉所貴得人而理則款不虛糜而儒道乃得不墜云

學宮

宋紹興間邑令宇文仕立

明永樂間重建南向

嘉靖二十九年庚戌邑令周棐改建東向

蘆山縣志

卷五

萬曆四十五年丁巳賜湖廣楚府長史攝鎮國將軍邑人竹密與金溪張公平溪鄭公捐金改建遷復南向至崇禎元年戊辰閱十年完成陳萬策有遷學宮碑記

邑人陳萬策遷學宮碑記聖明遵愛養人才爲家法擇置學宮爲第一務按蘆庠舊址向南炳乎文明之象也前文筆插天後來龍七里左羅城挂玉右佛圖絢綵脈完氣聚擇置之得其當乎是以四科三第如方伯張公秋闈受薦驄馬埋輪動搖江右且士生其間品多磊落胸次凌霄無一靡靡者乃嘉靖庚戌縣尊周公惑於術士之見輕舉向東之遷雖至戊午王之賓捷順天鄉試而造就原始於此至今科目寥寥向東之不善可知諸士人久議遷復勢有不能幸於萬曆丁巳之秋參憲竹公密解綬歸來力以遷復爲己任謀於諸士曰予雖黃金橫帶而夙志未展俟之青衿輩耳遂捐金命匠鳩工經營籌度不惜焦勞時則金溪張公繼而平溪鄭公亦捐金勤事值奢酋之變暫輟聖殿巍矣而兩廡未整正殿峨矣而兩齋未設公日夜不得自暇以大功未竟爲慮於丁卯冬公仍捐金付之能幹幸中原楊公握符下車明廉爲治興我斯文鼓舞激勸更有甚焉慨然分俸助其不逮越明年而櫺星戟門前後落成

時宗廟之完美運數之轉隆勃勃矣易言窮則變變則遷况此復也而非遷也遷則新卜其地其效未可料復則仍還其舊其前驗已足徵也地之靈者人必傑也行將產珪璋之英儲棟樑之器昂首奮翼爭相雄飛者不察可知也况不特拾青拖紫博名高已爾仰山斗而切景行之思何必遠宗往哲參憲公其觀面之典型哉公操觚時以心質聖賢以身許朝廷孝可方曾閔治可媿龔黃龍章申錫一堂四世濟濟登闕觀者有餘羨焉願諸士心公之心志公之志君臣父子之道著而長幼朋友之倫敦藏則儲華國之宏詞出則建柱石之遠猷無負先後之雅意亦無忘惓惓屬望之教澤可也公之功永公之賢彰將何以報公惟有血食於千秋耳予於政暇之餘特不避燕言以紀其盛

天啓七年丁卯邑令楊口口佚名增建

清康熙四年乙巳邑令張啓鼎重建

乾隆二十九年甲申邑令李凌雲重修有記

乾隆二十九年甲申邑令李凌雲重修學宮碑記天地之大也磅礴窈渺浮於空虛

蘆山縣志

卷五

二

運於兩間者陰陽之氣聖道之大也瀾淪周徧範於古今陶於庶類者尼山之教氣有順逆而其施於物也無厚薄教有興廢而其被於人也無遠邇故三辰得之而明五岳得之而崇四海得之而廣百川得之而流榘楠杞梓得之以為材麟鳳龜龍得之以為祥虎豹犀象得之以為威黍稷桑麻得之以為利靈者力者天者翹者蠕者得之以為生充物萬類以息相吹未嘗有須臾或間也聖人之道亦然其教無遠近故知者得之而成知仁者得之而成仁勇者得之而成勇得其全者為大賢得其精者為君子得其偏者亦不失為善人明乎春秋者得其斷明乎易衍者得其中明乎詩書者得其正明乎禮樂者得其文無得焉者過焉而為莊周卑焉而為申韓悖焉而為小人其師表萬世而不絕者血氣心知之侶孰能舍尼山之教而自立哉余覽史籍見父翁當漢武時天下承秦不知學蜀最僻遠而獨首建學校遣子弟入太常修先聖業其效至文學比齊魯嘗嘆慕之蘆邑雖褊小而家敦絃誦戶多秀良蓋猶有文翁之遺風焉蘆之有學本末載於舊記顧時久朽壞相沿不治歲甲戌余蒞茲土甫下車祇謁先師周視學舍頽圯湫塵傾欵支拄大雨時行階下閱月弗涸非所

以妥聖賢肅瞻拜而崇文教也亟商之學博段君縣尉繆君及邑人士余捐資首倡餘視情之從違樂助以勤美舉屬繆尉率首事董其事經營擘劃鳩工庇材重爲創建計費金一千伍百有奇凡三閱歲而告竣規制宏敞氣象巍然殿廡壯麗祠宇整齊明堂更新院落清潔棟桷煥然鸞飛鳥革翺聖丹碧綦錯磬石砌堅完墻垣峻肅余樂其事而嘉紳士父老嚮方慕善宜力任勞之厥工鉅也縣尉陳君近而請曰是宜記以示來者余惟學校乃英賢所自出三代下人才往往不如古者庠序樂育之無其具也蓋古有分人無分學辟雍鐘鼓萃貴賤於一堂崇四術於樂正所以教之者無異術及考有德於成人辨官材於論定所官之者亦無異道故小大偏全之器各得竭其所能以事君父而天下治嬴秦廢學漢稍近古晉唐以來聲華相尙人鮮實修夏后殷周之制蕩然矣及我朝重熙累洽父教誕敷薄海內外一道同氣軼漢唐而超三代士人幸生盛世歌詠遺編沐浴教澤當思己身之氣與天地之氣相似存其剛大之體以直養而無害浩然塞於天地之間而居天下之廣居立天下之正位行天下之大道出則爲帝臣王佐處則爲碩彥純儒以此身肩道統之任以

蘆山縣志

卷五

三

一心贊陰陽之化駿業豐功與日星河嶽並留正氣於天壤庶無負此賢關聖域也是則余之所厚望也夫

嘉慶二十五年庚辰邑令楊所憲重修有記

嘉慶二十五年庚辰邑令楊所憲重修學宮碑記

自京師達於郡縣皆有學學必祀孔子尊先師也其禮牲用太牢舞用六佾尊以爵帛以篚器以簠簋其制爲殿爲廡爲宮牆櫺星之門泮水之池有一不備不足以妥先師而副聖天子重學右文之意蘆於蜀爲西南徼民淳而地瘠學宮之制闕焉未備余自嘉慶庚辰來守斯土下車之始祇謁廟廷顧爲怒焉惕然曰是余之責也夫然不可以未信勞民也及明年政通人和迺進諸生之才者而謀之諸生欣然曰惟命諸生退以余言謀於邑士庶士欣然曰惟命既而諸生冒風雨而梯崖谷謀於邑人士之他徙者亦皆欣然曰惟命詢謀僉同材用以充迺召匠氏而鳩工焉舊者新之缺焉補之浚池一鬻之梁之闢門五櫺星面之左右翼之築牆二佾廣六尋有二尺甌甌郭之丹墀塗之學宮之制於是略備是役也諸生之勞邑士之力予幸得藉

手以觀厥成於此見人心之同而聖人之教其入人者深而及人者遠也然豈獨予之幸也哉以育人才以厚民俗將於是乎在若徒爲美觀而已邑人士奚賴焉予且愧之不暇而又何幸之有是役也爲錢六十七萬有奇閱六十餘旬而後成又三年然後能勒石慎之也至諸生與邑士庶人功也則皆不可沒云

道光二十一年辛丑邑令段榮恩重修學宮櫺星宮牆有記

道光二十一年辛丑邑令段榮恩重修學宮櫺星宮牆碑記州縣皆有學宮而其廟門外門曰櫺星門外曰鬢牆牆以衛宮也曰鬢者重學校以比宮殿也漢祭祀志曰龍左角爲天田號靈星見則爲農祥藉田祈社稷卿大夫又祭曰賓尸士曰宴尸皆退尸也故廟門外又一門曰靈星天子釋奠祭之殆昌黎伯所謂夫子生民之功與社稷同故作靈星門於廟門外而釋奠皆出而揖之者歟邑鬢牆歷久漸多剝蝕適友奉學博任司鐸慮傾圮思重修之籌無款商於予曰要工不舉如學校何爲合脯醵錢假衆擎可乎予曰可於是鼎力圖之歲辛丑七月諏吉鳩工首螭角而存之毀厥舊螭頭左右陪正牆約三尺峙中立也格如櫺狀透八風也東西角外橫廂以洞

蘆山縣志

卷五

四

介限趾也塗堊煥然內外整肅足以壯觀瞻矣夫子之牆數仞義大矣哉是役也要非學博不及此抑非同志之義舉不成議建於秋歲事於冬屬予序其事予不敢以不文辭用是書其顛末於左

道光二十六年丙午邑令袁啓洸培修學宮有記邑貢生程述洛亦有記均佚咸豐末年邑人駱志道添修學宮石板

正殿

大成至聖先師孔子像正中南向

按從祀景行錄孔子自周敬王四十二年癸亥魯哀公諫爲尼父西漢追諡成宣尼父東漢封褒尊侯後魏改諡文聖尼父後周晉封鄒國公北齊詔每歲春秋二祭月朔行禮隋贈宣師尼父詔天下州縣春秋釋奠以太牢唐開封間令天下郡縣立廟塑像唐太宗陞爲先聖尊爲尼父高宗贈太師武后封道隆公玄宗追諡文宣宋加至聖文宣王元加封大成至聖文宣王明嘉靖九年釐正祀典詔毀先師像易木主題曰大成至聖先師之神位清宣統加大祀蘆邑廟堂正殿現尙存先師像春秋祭

祀

配享從祀位次列左

東配二位

復聖顏子

名回字子淵魯人邦國之後魏文帝正始七年始詔配享

述聖子思子

名伋字子思孔子之孫伯魚之子宋大觀元年始詔配享

西配二位

宗聖曾子

名參字子輿魯武城人鄆國之後唐乾封間追贈配享

亞聖孟子

名軻字子輿鄒邑人魯孟孫氏之後宋神宗元豐中始詔配享

東哲六位

閔子

名損字子騫魯人居德行之科

冉子

名雍字仲弓魯人伯牛之宗族居德行之科

端木子

名賜字子貢衛人初為信陽宰後管相魯衛

仲子

名由字子路一作季路下人仕魯為蒲大夫

蘆山縣志

卷五

五

卜子

名商字子夏衛人設教西河或以為魏之西河人鄭絃曰溫國人任魯為莒父宰

有子

名若字子有魯人強識好古明習禮樂

西哲六位

冉子

名耕字伯牛魯人為中都宰居德行之科

宰子

名澹字子我魯人仕齊為臨淄大夫居言語之科

冉子

名求字子有魯人仲弓之宗族為季氏宰列政事之科

言子

名偃字子游吳人習禮仕魯為武城宰

顓孫子

名師字子張陳人

朱子

名熹字元晦一字仲晦婺源人諡曰文公

按十哲升配自開元間始位次廟堂兩壁康熙五十一年念朱子傳註性理有功聖

學特陞在卜子下第六位乾隆三年從尙書陳元夢請陞有子於東六位始改移配

享於西哲第六位

東廡先賢四十位

位次俱按時代為序

公孫子僑

字產鄭人
豐七年增祀

林子放

字邱魯人明以家語不在弟子列改祀雍正元年以禮之本親炙聖人休光即非弟子亦改祀之

原子憲

字思魯人禮弓
作仲憲為夫子宰

南宮子适

字容魯人史記名适家語禮記作南宮
南宮敬叔是兩人論語註誤合為一

商子瞿

字木魯人

漆雕子開

家語字子若魯人按尚書史記一作憑字子開蔡人鄭鉉曰魯人朱葵魯曰按龜山楊氏先聖大訓以開為憑恐誤

司馬子耕

字伯牛魯人史記俱字子牛
馬黎與史記俱字子牛

梁子鱣

字子魚齊人史記
注作鱣字叔魚

冉子孺

字魯一子魯會家語
作冉孺字子魚魯人

伯子虔

字一子魯析人解名處哲
哲一子魯析人解名處哲

冉子季

字子產魯人

漆雕子徒父

字子友魯人史記作漆雕
從字子友魯人史記作漆雕

漆雕子哆

字子斂魯人史記
語哆一作修

蘆山縣志

卷五

公西子赤

字子華魯人

任子不齊

字子選楚人

公良子孺

字子正陳人史記名孺一子幼
史記名孺一子幼

公肩子定

字子仲鄭鉉曰魯人史
記作公堅定或曰晉人

鄒子單

史記有鄒單字子家無縣實家語有魯單字子象無
鄒單疑即一人徐廣作鄒單晉善文翁圖與徐同

罕父子黑

史記一字子黑魯人史記作罕父黑
索一字子黑魯人史記作罕父黑

榮子旂

字子祺魯人史記
語作祈字子顏

左人子郢

字子行魯人
家語作左郢人

鄭子國

魯人字子徒家語作薛邦從史記索隱史
記薛高諱諱以邦為國鄭蓋薛字之誤也

原子元

字子籍魯人史記作元元一作
原桃文翁圖及史記作原元籍

廉子潔

字子肅衛人史記
子曹古史作齊人

叔仲子會

字子期文翁圖一作喻鄭
鉉曰晉人史記云魯人

公西子輿如

字子公西齊人史
記作公西輿

邾子異 字子歛魯人家語作邾漢諱以邾為國作國選邾

陳子元 字仇家語作子元

琴子牢 字翁圖字子開

步叔子乘 字子車齊人廣雅注孔子弟子有少叔乘朱彝尊曰

秦子非 字子之

顏子噲 字子聲

顏子何 字子冉魯人明以家語不載罷記清以顏氏家訓及

縣子亶 字子象魯人明以史記不載又疑與

牧子皮 字力牧

樂正子克 字子孟也子清議孟子稱善人信人又曰

萬子章 字子史記稱述仲尼之意增祀

周子敦頤 字茂叔宋時人從居道州濂溪學者稱濂溪先生諡曰元公淳祐

程子顥 字伯淳宋洛陽人從居道州濂溪學者稱明道先生諡曰純公淳祐元年贈河南伯從祀

蘆山縣志 卷五

邵子雍 字堯夫宋河南人諡曰康節

按雅州府志從梁子鱣第九至邵子雍連前公孫子僑至商澤共四十一位列西廡而無公孫僑公明儀又以西廡先賢舊有秦冉孔穎達以字畫相似黜蘧瑗林放非弟子改祀於鄉顏無繇改入啓聖祠申黨即申棖以重出削雍正二年秦冉蘧瑗復祀改入東廡縣復祀顏何自東廡改入復祀樂正克萬春增祀茲敬照現定祀位恭錄每年春秋與孔聖同日祭

西廡先賢二十九位

蘧子瑗 字伯玉衛人明以孔子黜非弟子改祀至雍正元年以

澹臺子滅明 字子羽魯人

宓子不齊 字子賤魯人

公冶子長 字子長魯人范甯云名芝

公析子哀 字次索隱作公析齊人

高子柴 字子羔家語齊人鄭鉉

樊子須 字子遲家語魯人仕於季氏鄭鉉曰齊人

商子澤 家語字子季魯人亦作子季

巫馬子施 字子期史記作子旗陳人鄭鉉曰魯人家語名期為單父宰

顏子幸 字子柳魯人通典名柳文翁區及史記作顏幸

曹子卹 字子循蔡人

公孫子龍 字子石衛人

秦子商 字不莪魯人

顏子高 字子驕家語作顏刻

壤駟子赤 字子徒壤駟複姓秦人

石作子蜀 字子明秦之成紀人家語作石子蜀按石作複姓

公夏子首 字子乘魯人家語首作守

后子處 史記字子里齊人今本家語后誤作石

奚容子蒧 字子偕文翁圖魯人

蘆山縣志 卷五

顏子祖 字子襄魯人朱彝尊按昔者會子謂子襄或即是人

句井子疆 字子疆衛人句井複姓

秦子祖 字子南魯人

縣子成 字子祺魯人

公祖子句茲 字子之魯人

燕子伋 字子思魯人

樂子欬 字子聲魯人

狄子黑 字皙之衛人

孔子中 字子蔑孔子兄弟孟子皮之子

公西子蒧 史記字子魯人

顏子之僕 字子叔魯人

施子之常 字子恆魯人一作子常

申子楨 字子周魯人

左邱子明 中邾人授經

秦子冉 魯字子開

公明儀 魯人

公都子 齊人

公孫子丑 齊人

張子載 字厚之橫滄人

程子頤 字正叔宋時人

按雅州府志從巫馬子施至程子頤共三十一位直接司馬子耕連前共七位作東廡先賢三十八位又東廡先賢舊有顏何孔穎達以字畫相似黜曾點孔鯉改入啓聖祠雍正二年顏何復祀改入西廡蘧瑗秦冉復祀自西廡改入牧皮公都子公孫子增祀每年春秋與孔聖同日祭

東廡先儒二十七位 位次俱按時代為字

公羊氏高 周天齊人荀崧曰公羊親受子夏孔穎達曰孔子授春於卜商商授弟子公羊高穀梁赤唐時從祀明嘉靖九年改稱先儒

蘆山縣志 卷五

伏氏勝 字子騰濟南人秦博士漢文帝命龜錯往受尚書唐時從祀

毛氏亨

孔氏安國 字子國漢淮太守孔子十一世孫

毛氏萇 漢博士趙人善說詩世謂毛亨為大毛公萇為小毛公生漢武帝時隨入東廡

杜氏子春 河南濮陽人漢哀平間唐時從祀

鄭氏康成 東漢大司農高密人

諸葛氏亮 字孔明蜀漢瑯琊人居心二鄉開誠布公知出處大節明君臣大義合乎聖道封武侯鄉諡曰忠武清雍正二年從祀

王氏通 字仲淹隋龍門人教授河汾其弟子私謚曰文仲子明嘉靖九年從祀

韓氏愈 字退之唐南陽人昌黎伯諡曰文公貞元八年舉進士封昌黎伯諡曰文公

胡氏瑗 字翼之宋海陵人為湖州教授世稱安定先生謚曰文昭明嘉靖九年從祀

韓氏琦 字稚圭宋安陽人封魏公

楊氏時 字中山宋編將樂人世稱龜先生明成化元年從祀

謝氏良佐 字穎道宋上蔡人與揚時皆伊川先生門人

尹氏焯 字彥明未洛人伊川弟子學窮根本德備

胡氏安國 字康侯宋

李氏侗 字應中宋延平人朱子受其河洛之業諡曰文靖

呂氏祖謙 字伯恭其先萊人遷婺州宋孝宗時進士世稱東萊先生嘉泰八年賜諡成嘉熙三年改諡忠亮景定二年贈開封伯從祀

袁氏燮

黃氏幹 字直卿號勉齋未閩縣人

輔氏廣

何氏基 字子恭宋金華人

文氏天祥 字文山又字宋瑞宋信陵人一作吉水人封信國公

王氏柏 號魯齋宋金華人

陳氏濬 字可大宋南康人

方氏孝孺 字希直一字希古明寧海人學者稱正學先生諡曰文正

薛氏瑄 字德溫明河津人

蘆山縣志 卷五

胡氏居仁 字叔心明餘干人萬曆間從祀

羅氏清順 字允升號整庵明泰和人

呂氏枏

劉氏宗周 字齊東明山陰人世稱念臺先生

孫氏奇逢 字啓泰直隸容城人年十七舉於鄉十二徵皆不就天下稱為徵君

張氏履祥

陸氏隴其 字稼書平湖人康熙庚戌進士諡清獻

張氏伯行

黃氏道周 字石齋明福建漳浦人天啓進士世稱石齋先生

湯氏斌 字孔伯號潛菴河南睢州人順治壬辰進士累官江蘇巡撫工部尚書諡文正乾隆四十六年從祀

西廡先儒三十三位

穀梁氏赤 周末魯人子夏門人

高堂生 秦季人漢時博士

董氏仲舒 廣川人漢景帝時博士武帝時為江都相明洪武罷楊雄從祀

劉氏德

后氏蒼 漢武帝時博士

許氏慎

范氏甯 字武子東晉鄆陵人豫章太守一作南昌興學造士著春秋穀梁集解有功進道從祀

陸氏贄 字敬輿唐蘇州嘉興人德宗相諡曰宣

范氏仲淹 字希文宋吳縣人諡曰文正

歐陽氏修 字永叔宋廬陵人諡曰文忠

司馬氏光 字君實宋夏縣人水鄉人封溫國公

游氏醉

呂氏大臨

羅氏從彥 字仲素南宋劍州人學者稱豫章先生諡曰文質明萬曆四十二年從祀

李氏綱 字伯紀宋福建邵武人仕徽欽高三朝

蘆山縣志 卷五

張氏拭 字敬夫宋鶴州人稱南軒先生

陸氏九淵 字子靜宋金谿人稱象山先生明嘉靖九年從祀

陳氏淳 字叔純宋漳州龍溪人朱子門人著有語孟大書中庸等書其言太極言仁諸篇發明天理全體示學者標的清雍正二年從祀

真氏德秀 字景元宋浦城人稱西山先生諡曰文忠明正統元年從祀

蔡氏沈 字仲默宋建陽人號九峯先生朱子門人諡曰文正明正統元年從祀成化三年贈崇安伯

魏氏了翁 字華甫宋邛州蒲江人諡曰文靖

趙氏復 字仁甫元德安人

金氏履祥 字吉父號仁山元蘭谿人何基弟子所著有大學章句疏義論語孟子集註致證書表注多先儒未發之義元至正間諡曰文安清雍正二年從祀

陸氏秀夫 字君實宋鹽城人宋德祐初播越海濱日以大學進講清咸豐九年從祀位次文天祥

許氏衡 字平仲元河內人稱魯齋先生諡曰文正元至大元年封魏國公清嘉慶二年從祀

吳氏澄 字幼清號草廬元崇仁人明正統元年從祀

許氏謙 字益之元金華人世稱白雲先生金履祥弟子讀書窮理雖殘文羨語亦不敢忽履祥之學得謙而益顯著所著有四書叢說詩名物鈔書傳叢說自省篇其

為詩文非扶翼名教不為筆之於書清雍正二年從祀

曹氏端

陳氏獻章 字公甫明新會人隱居白沙世稱

蔡氏清 字介夫明晉江人

王氏守仁 字伯安明餘姚人讀書陽明洞世稱陽明先生對新建伯諡曰文成明萬曆間從祀

呂氏坤 字叔簡河南寧陵人歷官刑部侍郎世稱新吾先生所著呻吟語採入四庫全書繼往開來有功聖學清道光六年從祀

黃氏道

按右列東西兩廡先儒位次與四川通志及雅州府志所載多有不同蓋明嘉靖以降配享從祀歷有變更今依本邑廟堂現時位次恭錄

崇聖祠正面五位

肇聖王孔氏木金父 自宋遷魯始姓孔

裕聖王孔氏祈父 孔子高祖

貽聖王孔氏防叔 孔子曾祖

昌聖王孔氏伯夏 孔子祖

蘆山縣志 卷五

啓聖王孔氏叔梁紇 孔子父仕魯爲陬邑大夫晚娶顏氏垂母禮尼邱山誕生至聖

按叔梁紇進公而王自宋大中祥符始也稱啓聖公自元始也宋時顏曾子思配享堂上顏路曾皙伯魚從祀兩廡洪邁姚燾以爲崇子抑父熊禾謂宜別設一室祀叔梁紇而以三子配程敏政主其說明嘉靖九年遂專祠徧天下清雍正二年詔封五代王爵俱用聖諱並改啟聖祠爲崇聖祠每年春秋致祭

東配先賢三位

孔氏孟皮 字伯尼孔子之兄清咸豐七年增祀

曾氏點 字皙家語會點字皙曾參之父

孟孫氏激 字公宜孟柯之父

西配先賢二位

孔氏鯉 字伯魚子忠子敏之父

顏氏無繇 字季路回之父顏繇

東廡先儒三位

周氏輔成 周子殿

程氏珣 字伯淵贈永年伯

蔡氏元定 字季通世稱西山先生蔡子沈之父

西廡先儒二位

張氏迪 宋神宗時知涪州張子載之父贈祀

朱氏松 字喬年知涪州追謚靖獻公朱子熹之父

按右列東西兩廡先儒皆明萬歷間從祀每年春秋二祭先祀崇聖祠次祀至聖孔子

書院

蘆山文明書院創建於清乾隆四十二年丁酉邑令謝生晉以其地址原係文昌宮明倫堂舊基故名邑教諭畧亦曾設此嘉道間邑令楊所憲余翼段榮恩等皆歷延主講咸同漸廢至光緒時邑令李崇忠張祐梁元吉等又重延主講整飭學規並將固有息穀約百石為山長暨諸生童每年膏火之需自停科舉改設學校以後上項息

蘆山縣志

卷五

穀遂併入學校經費而文明學院亦即改為縣立高等小學校矣昔邑令謝生晉章學海典史董逢慶皆有碑記

清乾隆四十二年丁酉邑令謝生晉建文明書院碑記今之書院昔日之學署也今之學署昔之文昌宮也蘆邑向無義學余蒞任兩載每接見都人士時方戎馬倉皇計無所出深戚戚以為憾越乙未冬金匱底定民力稍紓余亦自是而勃然矣然而彈丸城郭烟火萬家又以限於地中止者屢屢矣夫古者閭有師黨有正自國都以迄鄉邑匪不有學蘆自漢隸蜀郡以來文翁教化之深且遠何獨遺此邦其治人治法之過抑地之褊小使然耶是歲丙申春學博牟公學禮司訓熊公縉皆以賃居民房朝遷暮改為修葺學會計問策於余邀余履勘之循城東登高而望見夫昔日之文昌宮頽垣破壁而三重營室傾欹猶存自東北上躡金井閣迴顧峯巒層疊勢若游龍蜿蜒至此而一伏者俯瞰由陂而平宮牆在焉牆以西平原寬衍中破屋數椽二公告余曰此明倫堂也堂前後左右廣狹與宮牆等余兩人第期蔽風雨足矣隙地尚多淪於荒蕪雜於塵囂都不暇計也余曰公等知易地能良之說乎夫師道之不

尊弟子之責也學校之不修吾輩之恥也余請以學署之地基與文昌宮更調改絃而更張之前堂明倫後奉文昌間以奎閣凡三層各立廂屋周以垣牆墜以門楹通爲書院其文昌故址門堂以內增修三楹及配房舍改爲學署使師有定處士可橫經二公皆鼓掌稱善不踰時而風聲迤聽邑之紳士及二三父老悉如余言伏請余以上諸大府檄下允行鳩工庀材凡閱月告歲昔之淪於荒蕪者今且棟宇比鱗矣昔之雜於鶯塵者今日篝燈接影矣昔之頽垣傾壁欲墮者今日舉比並坐洽比其鄰矣由前之說限於天時由後而觀盡乎地利從此春誦夏絃士風隆隆日上比戶可風之盛行自今日始矣因從學博牟公請名之曰文明謂兼文昌明倫之意也可謂文翁之澤昌明於今日也亦無不可是役也計費千三百有奇邑紳士公輸百餘余捐俸以佐厥成因伐石以誌其事並列爲一通詳載善後事宜之法於右云

清乾隆四十三年戊戌邑令章學海規定文明書院善後事宜碑記今天子重道崇儒振興文教自鄉學國學而外令直省郡邑各建書院延請名宿主講以廣作人之化人材蔚起於斯爲極矣蘆邑僻處偏隅向無書院三山謝君來蒞是邦值西師告捷

蘆山縣志

卷五

十四

之後止修文偃武之時爰將儒學舊基改建堂祀文昌樓祀奎星旁蓋屋數十間爲諸生習靜地棟宇輝煌器物畢備金錢土木不崇朝而輸助恐後而書院於是觀厥成矣是役也經始於丙申之春落成於是年之冬於是聘請院長取生童中之尤者肄業其中多講書籍以廣見聞嚴立條規以稽勒情謝君之用心亦良苦矣不數月以病去余復代庖茲土下車後謁文昌宮見其整齊嚴肅生徒濟濟爲之加額稱快以爲彈丸小邑文教聿新也惟是蘆邑瘠小每資斧不足今謝公規模甫定僅於城關内外地租暨各祀田所入差足以爲修脯之贈而諸生負笈而來者不盡素封倘不能少資膏火亦憾事也去年冬因公赴府稟商郡憲於存剩津貼項下銀六百兩給首事領借生息歲可以入一百二十兩連各項租穀以及山租地租可入一百九十餘兩酌取生童十數名量給膏火以繼謝君未竟之業竊願後之君子加意作人留心培植俾多士造就有基四科三第拭目再睹矣是則余之厚望也夫

清道光五年乙酉邑典史董逢慶紀邑令余公岷墟整理文明書院學田碑記道光五年歲在乙酉春三月余公來署蘆山甫下車卽留心士子見書院空虛無人誦讀查

勤所以由書院租息僅寥寥三四十金不足以給公用故歷久廢弛公亟思恢復之以宏造就於是多方籌劃示期考試獲生童應試百餘人選定正副外課名數並設每月課甲乙陞降提補條規以爲激勵勸勉法五月率生童延師入院肄業公自捐俸當入王生田二段又得張生捐入田地若干畝邑南有未墾官山招民墾田合原有租息併歸入公余公籌劃善後事宜共約出資百餘金因詳列條款彙印冊數卷交齋長各執一冊著每年協同收租辦理院中公費給印簿一本記出入報銷至每月官課生童百數十人所給飯食花紅公自分已俸不動公項毫釐公見義勇爲慮事精密如此懇勸作育之意至矣其平日待人謙和尤見公之盛德也爰實其事勒石以爲之記公諱翼字岷墟浙江山陽名士嗣君二長曰愷次曰元霖俱器宇不凡其捐田地姓名坐落恒收租數銀兩俱載在碑陽

學額

明洪武二年詔天下郡縣并建學校以作養士類定在京府學在外府州縣學生徒之數自六十人以至二十人日給廩膳仍復其差徭八年立社學十六年奏准天下府

蘆山縣志

卷五

十五

州縣學歲貢生員各一人二十年令增廣生員不拘額數正統六年令府學一年貢一人州學二年貢一人縣學三年貢一人遂爲定例十二年奏准令生員常額之外軍民子弟願入學者提調教官考選俊秀待補增廣名缺一體考送應試成化三年設衛學軍生員數有差有司儒學亦置軍生正德十年都司衛所學原定一年一貢者與設優等次等生員各四十名以次遞減至各二十名通行提學官考補有多餘者卽於附學以後於優等內照例考選充貢萬曆十一年題准各提學每歲考校入學務要不失原額其地方果係科目數多就試人衆則於原額之外量加數名但不許倍於原數如乏才之地亦毋得因而一概取盈清初考試童生進學不拘額數順治四年定每考童生大學進四十人中學二十五人下學十二人十五年定六年內止許隨歲考進童生二次十七年定大學進十五人中學十人小學五人武學如之十八年定科歲兩考併爲一考定貢例府一年二人州二年一人縣三年一人康熙二十年奉旨定例蘆山縣下學歲考文章童取進八名武童取進八名科考文章童取進八名遇恩廣額三名廩膳生員二十名

原額三十一名於雍正七年撥十一名歸天全州

增廣生員二十名貢

生兩年一登拔貢十二年一登

按科舉之制於清光緒三十二年丙午停止改辦學校

學田

蘆邑舊有學田無多年收學租僅百餘石歸儒學教諭署管理清光緒二十七年辛丑
邑令林清照集議援清溪縣例提倡募捐學田嘉惠學子遂與龍門鄉路肇暄駱仲
山水東鄉陳肇暄楊才權清源鄉衛從襄朱維楨暨縣城周瑞岐陳品潔樂和曦汪
元興楊廷英楊文熙等共策進行經募學田十餘石年收學租約二百餘石除月支
教諭署額穀十石餘作歲科文武新生上費通詳有案逮清末停廢科舉改辦學校
提歸學款亦遂改由縣署經管矣

學規

宋大觀元年詔布周官八行八刑之法於學宮令所在鐫刻清祐六年御書白鹿教條
頒天下學立石明洪武三年令學者專治一經以禮樂射御書數設科分教三年定
學校射儀十五年頒禁例于天下諸學勒石明倫堂謂之臥碑

蘆山縣志

卷五

十六

一國家明經取士說書者以宋儒傳註爲宗行文者以典實純正爲尙今後務將頒
降四書五經性理通鑑綱目大學衍義歷代名臣奏議文章正宗及歷代誥律典
制等書課令生員誦習講解其有剽竊異端邪說炫奇立異者文雖工不錄
一設立臥碑天下利病諸人皆許直言惟生員不許今後生員本身切已事情許家
人報告其事不干己輒便出入衙門以行止有虧革退若糾衆扛幫罵詈官長爲
首者開遣餘盡革爲民

一習舉業卽窮理之一端四書經文策論務要說理詳明不許浮誇怪誕記誦舊文
意圖僥倖

一生員考試不諳文理者廩膳十年以上發附近處充吏六年以上發本處充吏增
廣十年以上發本處充吏六年以上罷黜爲民未及六年者發社

一有司朔望行香迎至明倫堂講書

一各省廩膳科貢各有定額南北舉人名數亦有定制近來姦徒利他處人才寡少
許冒籍貫或原係倡優隸卒之家及曾犯罪問革變易姓名僥倖出身訪出拿問

一爲學當尊敬先生若講說皆須誠心聽受如有未明從容再問毋妄行辯難爲師者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

清順治九年禮部題奉欽定條約頒刻學宮謂之新臥碑

一朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生皆當上報國恩下立人品所有條教開列於後

一生員之家父母賢智者子當受教父母愚魯或有非爲者子既讀書明理再三懇告使父母不陷於危亡

一生員立志當學爲忠臣清官書記所載忠清事蹟務須互相講究凡利國家愛民之事更宜留心

蘆山縣志

卷五

十七

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身當宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切己之事止許家人代告不許干與他人詞訟他人亦不許牽連生員作證

清雍正十二年內奉文嗣後貢監生員設立科條明開款項以居家孝友立品端方勤輸賦課經濟可試清操不苟六項爲優倫紀不修行止卑污抗欠官糧輿滅詞訟猶庸鄙陋學業荒疏六項爲劣令有司照官攢造冊籍於各名下標題各款詳具優劣實蹟遇鄉試年申賈督撫學臣秉公查核

義學

蘆邑義學始於清道光末年邑令復成詳請於丁糧內每斗加抽制錢九文以呂糧一千八百餘石合計每年加抽制錢約一百六十餘千文當時城鄉共有義學七所每館束修二十千文合計一百四十千文其餘之數除支禮戶房代徵辦公外卽作爲

鄉試生員卷資現已一併提歸為高小學校經費矣

小學

蘆邑小學詳載左表民國三十一年縣長張宗翹提高文化改進教育創立初級中學一所於城內南街三聖宮舊址並於各鄉鎮增設完全小學復將舊有各校予以整理充實設備皆未及列入表內故附志之

蘆山縣立各級小學校暨民衆教育館一覽表

學校名	稱	校址所在地	設立年	代
縣立蘆陽小學	小學	城內東街即大明書院	清光緒二十七年	
私立明德初級小學	小學	街子	清光緒三十二年	
縣立飛仙小學	小學	飛仙鎮	民國二十六年	
沫東鄉初級小學	小學	王家橋	執原有地址改設	
思延鄉初級小學	小學	思延下橋		前
鳳木鄉第一初級小學	小學	白家店		前

蘆山縣志

卷五

鳳木鄉第二初級小學	石佛寺	同	前
清源鄉第一初級小學	橫溪堤	同	前
清源鄉第二初級小學	安營堤	同	前
仁嘉鄉第一初級小學	大盆堤	同	前
仁嘉鄉第二初級小學	玉泉山	同	前
昇恒鄉初級小學	興福寺	同	前
龍門鄉初級小學	青龍寺	同	前
隆興鄉初級小學	二曲宮	同	前
縣立蘆陽一年制短期小學	廣福寺	同	前
縣立沫東一年制短期小學	樊家祠	同	前
縣立鳳木一年制短期小學	分司廟	同	前
縣立飛仙一年制短期小學	飛仙鎮下關	同	前
縣立思延一年制短期小學	觀音堂	同	前

縣立清源一年制短期小學	天	王	寺	同	前
縣立仁嘉一年制短期小學	白	塔	寺	同	前
縣立昇恒一年制短期小學	天	澤	廟	同	前
縣立隆興一年制短期小學	隆興鄉樊家祠	家祠	同	同	前
縣立龍門一年制短期小學	大	廟	上	同	前
縣立羅城一年制短期小學	胡	家	溝	同	前
縣立周村一年制短期小學	周	村	渠	同	前
縣立板橋一年制短期小學	大	板	橋	同	前
縣立河洲一年制短期小學	河	心	頭	同	前
縣立古城一年制短期小學	古	城	坪	同	前
縣立民衆教育館	南	街	上	民國二十八年	前

右表均男女合校係就縣政府有案者錄之其他未立案者概未列入

蘆山縣志

卷五

蘆山縣志卷五